



XUNTA DE GALICIA

CONVENIO DE COLABORACIÓN ENTRE A CONSELLERÍA DE POLÍTICA SOCIAL E A FEDERACIÓN DE ASOCIACIÓNS DE FAMILIARES E PERSOAS CON ENFERMIDADE MENTAL DE GALICIA, PARA O FINANCIAMENTO DUN PROGRAMA DE APOIO SOCIO-EDUCATIVO COMUNITARIO E PREVENCIÓN DA SITUACIÓN DE DEPENDENCIA NO MEDIO RURAL A PERSOAS CON ENFERMIDADE MENTAL RESIDENTES EN GALICIA

Santiago de Compostela, **28 SET. 2017**

REUNIDOS

Dunha parte:

Don José Manuel Rey Varela, na súa condición de conselleiro de Política Social, nomeado polo Decreto 148/2016, do 13 de novembro, polo que se nomean os titulares dos departamentos da Xunta de Galicia, en uso das facultades que lle veñen atribuídas no artigo 34 da Lei 1/1983 do 22 de febreiro, de normas reguladoras da Xunta e da súa Presidencia, así como no Decreto 177/2016, do 15 de decembro, polo que se fixa a estrutura orgánica da Vicepresidencia e das consellerías da Xunta de Galicia, e no Decreto 176/2015, de 3 de decembro, polo que se establece a estrutura orgánica da Consellería de Política Social e no establecido no Acordo do Consello da Xunta de Galicia, do 27 de marzo de 1991 (DOG nº 82, do 30 de abril de 1991).



Doutra parte:

Don Xosé Ramón Girón García con DNI: 33.214.346 T, que actúa en nome e representación da FEDERACIÓN DE ASOCIACIÓNS DE FAMILIARES E PERSOAS CON ENFERMIDADE MENTAL DE GALICIA (SAÚDE MENTAL FEAFES GALICIA), con CIF: G-155455353, en virtude da súa condición de representante dela, de acordo co nomeamento outorgado segundo o disposto nos seus estatutos tal como consta no rexistro de entidades prestadoras de servizos sociais.



XUNTA DE GALICIA

Interveñen en función dos seus respectivos cargos e no exercicio das facultades que para convir no nome das entidades que representan teñen conferidas e,

EXPOÑEN

I. Que as Administracións Públicas poden celebrar convenios de colaboración con outras administracións ou entes de dereito público e con persoas físicas ou xurídicas ao abeiro do disposto na Lei de contratos do sector público e na Lei 9/2007, do 13 de xuño, de subvencións de Galicia.

II. Que a Comunidade Autónoma de Galicia, segundo o establecido no artigo 27.23 do Estatuto de Autonomía de Galicia, en consonancia coa habilitación competencial outorgada ás Comunidades Autónomas polo artigo 148.1.20 da Constitución española, ten competencia exclusiva en materia de asistencia social, polo que, na súa virtude se aprobou a Lei 13/2008, do 3 de decembro, de servizos sociais de Galicia.



III. Que a Consellería de Política Social é o departamento da administración autonómica ao que lle corresponde as competencias en materia de servizos sociais, e consecuentemente a atención do colectivo de persoas con discapacidade e persoas con dependencia, conforme ao Decreto 177/2016, do 15 de decembro, polo que se fixa a estrutura orgánica da Vicepresidencia e das consellerías da Xunta de Galicia e no Decreto 176/2015, do 3 de decembro, polo que se establece a estrutura orgánica da Consellería de Política Social.

IV. Que a entidade FEAFES figura inscrita no Rexistro de Entidades Prestadoras de Servizos Sociais co número E-0906, ten por finalidade promover a mellora da calidade de vida das persoas con enfermidade mental e as súas familias e/ou persoas coidadoras, a defensa dos seus dereitos e a representación e defensa do movemento asociativo FEAFES en Galicia.

V. Que actualmente faise preciso establecer medidas orientadas á prevención da situación de dependencia e promoción da autonomía persoal das persoas en



XUNTA DE GALICIA

situación de dependencia con enfermidade mental, desenvolvendo programas co obxectivo de recuperar á persoa e acompañala neste proceso, así como a súa familia e persoas coidadoras, evitando a cronificación desta situación e previndo o desenvolvemento dunha situación de dependencia especialmente naqueles espazos onde a implantación de servizos e programas específicos é débil, como é o medio rural.

Conforme ao exposto, é do interese da Consellería de Política Social subscribir un convenio de colaboración coa entidade FEAFES para contribuír ao financiamento das actuacións relacionadas co desenvolvemento dun programa de apoio ás persoas con enfermidade mental orientado á promoción da autonomía persoal e á prevención da situación de dependencia.

VI. Que conforme aos requisitos previstos no artigo 19.4 c) da Lei 9/2007, do 13 de xuño, de subvencións de Galicia, e no 36 c) do Decreto 11/2009, do 8 de xaneiro, polo que se aproba o Regulamento da Lei 9/2007, a entidade FEAFES é a única federación de iniciativa social e de ámbito autonómico que desenvolve no ámbito da Comunidade Autónoma galega programas e actuacións para a mellora da calidade de vida das persoas con enfermidade mental e as súas familias/e ou persoas coidadoras, defensa dos seus dereitos e a representación e defensa do movemento asociativo FEAFES en Galicia, brindando apoio e coordinación ás asociacións que a integran, dispoñendo da experiencia, capital humano e medios axeitados para desenvolver esa atención.



Así mesmo, as actuacións obxecto deste convenio, recollidas na súa cláusula primeira, a súa adecuación ao ámbito competencial da Consellería de Política Social previsto no Decreto 176/2015, do 3 de decembro, na área específica da Dirección Xeral de Maiores e Persoas con Discapacidade, e as específicas necesidades inherentes ao colectivo ao que van dirixidas, considéranse razóns que acreditan o seu interese social. Polo tanto queda xustificada a concesión directa desta subvención, en aplicación do artigo 50 da Lei 1/2017, do 8 de febreiro, de orzamentos xerais da Comunidade Autónoma de Galicia para o ano 2016 en relación ao artigo 26 da Lei 9/2007, do 13 de xuño, que permite establecer convenios a través dos cales se



XUNTA DE GALICIA

canalizan estas subvencións. Por todo o exposto, as partes comparecentes, na representación que ostentan,

ACORDAN

Subscribir un convenio de colaboración para levar a cabo un programa apoio socio-educativo comunitario e prevención das situacións de dependencia no medio rural para persoas con enfermidade mental en Galicia.

CLÁUSULAS

PRIMEIRA: Obxecto

O obxecto do presente convenio é contribuír ao financiamento por parte da Consellería de Política Social da Xunta de Galicia das actividades que conleva o programa orientado ao apoio socio-educativo comunitario e e prevención das situacións de dependencia no medio rural para persoas con enfermidade mental en Galicia que FEAFES ten previsto desenvolver, entre outras, durante o ano 2017 e que a continuación se detallan:

- Atención de proximidade no ámbito rural.
- Apoio psico-social no espazo de convivencia (familiar e socio-comunitario).
- Unidades de acompañamento comunitario
- Apoio socio-educativo, coordinación técnica do programa, seguemento, desprazamentos ás zonas e documentación das boas prácticas e adecuación do enfoque de proximidade no ámbito rural

No anexo a este convenio se detalla respecto a cada unha das actuacións indicadas o obxectivo xeral e específico que se persegue, nº estimado de potenciais beneficiarios, ámbito xeográfico no que se vai desenvolver, actividades nas que se concreta, recursos humanos implicados e período de desenvolvemento.



XUNTA DE GALICIA

FEAFES terá que cumprir os requisitos do artigo 10 da Lei 9/2007, do 13 de xuño, de subvencións de Galicia, e do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño.

SEGUNDA: Relación laboral

Para levar a cabo os obxectivos e fins deste convenio a entidade beneficiaria poderá contratar, con cargo ao orzamento do presente convenio, o persoal que no seu caso precise para o desenvolvemento das actividades citadas.

A subscripción do presente Convenio non leva consigo relación laboral nin contractual algunha entre a Consellería de Política Social da Xunta de Galicia e as persoas que realicen as actividades obxecto del, de tal xeito que non se lle poderá esixir responsabilidade algunha, nin directa nin subsidiaria, polos actos ou feitos acaecidos no desenvolvemento do convenio.



TERCEIRA.- Obrigas da entidade beneficiaria

1.- En cumprimento do artigo 11 da Lei 9/2007, do 13 de xuño, e do Decreto 11/2009, do 8 de xaneiro, son obrigas da entidade beneficiaria:

- a) Cumprir os requisitos para obter a condición de beneficiario estipulados no artigo 10 desa Lei.
- b) Cumprir todos e cada un dos obxectivos, actividades e proxectos, adoptar os comportamentos que fundamentaron a concesión da subvención e cumprir os compromisos asumidos con motivo desta. Noutro caso, procederá o reintegro total ou parcial, atendendo aos criterios establecidos no convenio.
- c) Xustificar ante o órgano concedente o cumprimento dos requisitos e das condicións, así como a realización da actividade e o cumprimento da finalidade que determinen a concesión ou o gozo da subvención.



XUNTA DE GALICIA

d) Someterse ás actuacións de comprobación, que efectuará o órgano concedente, así como a calquera outra actuación de comprobación e control financeiro, que poidan realizar os órganos de control competentes, tanto autonómicos coma estatais ou comunitarios, para o que se achegará tanta información lle sexa requirida no exercicio das actuacións anteriores.

e) Comunicarlle ao órgano concedente a obtención doutras subvencións, axudas, ingresos ou recursos para a mesma finalidade, procedentes de calquera administración ou entes públicos ou privados, nacionais, da Unión Europea ou de organismos internacionais, así como a modificación das circunstancias que fundamentasen a concesión da subvención. Esta comunicación deberá efectuarse no momento no que se coñeza e, en todo caso, con anterioridade á xustificación da aplicación dada aos fondos percibidos.



f) Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario en cada caso, así como cantos estados contables e rexistros específicos sexan esixidos polas bases reguladoras das subvencións, coa finalidade de garantir o axeitado exercicio das facultades de comprobación e control.

g) Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.

h) Incluír na publicidade e en todo tipo de documentación e información relacionada coas actividades obxecto do convenio e nos lugares onde estas se realicen: "subvencionado pola Xunta de Galicia – Consellería de Política Social", co seu respectivo logotipo.



XUNTA DE GALICIA

- i) Proceder ao reintegro dos fondos percibidos nos supostos previstos no artigo 33 da Lei 9/2007, do 13 de xuño, e artigo 74 e seguintes do Decreto 11/2009, do 8 de xaneiro.
- j) Presentar a documentación trala sinatura do convenio e no momento da xustificación parcial e/ou total, de conformidade co indicado na normativa de subvencións.

2.- Obriga de subministración de información prevista no artigo 4 da Lei 1/2016, de 18 de xaneiro, de transparencia e bo goberno, e as consecuencias do seu incumprimento.

A entidade asinante do convenio, en tanto que beneficiaria dunha subvención, estará obrigada a subministrar á Administración da Xunta de Galicia, logo de requerimento, toda a información necesaria para o cumprimento por aquela das obrigas previstas no Título I "Transparencia da actividade pública" da Lei 1/2016, de 18 de xaneiro. No caso de incumprimento desta obriga estarase ao disposto no artigo 4.4 da citada Lei.



QUARTA: Documentación

En virtude do disposto na Lei 38/2003, do 17 de novembro, xeral de subvencións e Real Decreto 887/2006, do 21 de xullo, polo que se aproba o seu Regulamento; e na Lei 9/2007, do 13 de xuño, e Decreto 11/2009, do 8 de xaneiro, a entidade beneficiaria presentará xunto co programa de actividades a desenvolver no convenio a seguinte documentación:

- a) Declaración comprensiva de todas as axudas e subvencións solicitadas ou concedidas para o mesmo proxecto, ou, de ser o caso, unha declaración de que non solicitaron nin percibiron outras axudas ou subvencións.
- b) Declaración responsable, subscrita polo representante da entidade, de non estar incurso nas prohibicións para obter a condición de beneficiaria de subvencións sinaladas nos apartados 2 e 3 do artigo 10 da Lei 9/2007, do 13 de xuño, de subvencións de Galicia.



XUNTA DE GALICIA

- c) Declaración responsable do cumprimento das súas obrigas tributarias e coa Seguridade Social e de non ter pendente de pagamento algunha débeda coa Administración Pública da Comunidade Autónoma de Galicia ou de ser debedor por resolución de procedemento de reintegro.
- d) Presentación dun método de imputación de custos indirectos.

QUINTO: Orzamento

Para o cumprimento da finalidade prevista na cláusula primeira deste convenio a Consellería de Política Social achegará **cen mil euros (100.000,00 €)** que serán imputados á aplicación orzamentaria **12.04.312D.481.0** dos orzamentos xerais da Comunidade Autónoma de Galicia para o ano 2017.



QUINTA: Gastos imputables

1.- O importe da subvención destinarase a cubrir os gastos efectivamente realizados pola entidade relativos a gastos de persoal e gastos correntes necesarios para o desenvolvemento das actuacións recollidas na cláusula primeira. A estes efectos, consideraranse gastos subvencionables, conforme ao previsto no artigo 29 da Lei 9/2007, do 13 de xuño, os seguintes:

- a) Gastos de persoal: custes salariais e de seguridade social do persoal necesario para a realización da actividade obxecto da subvención.
- b) Gastos de axudas de custo e desprazamentos do persoal imputable ao convenio e deberán ser moderados e limitados (tarifas de transporte económicas, aloxamentos de categoría media, axudas de custo limitadas tomando como referencia as establecidas para a administración pública). Por cada viaxe deberá informarse do motivo da viaxe e lugar de reunión.
- c) Gastos derivados da xestión e organización de servizos de transporte que a entidade facilite ás persoas beneficiarias directas dos servizos prestados pola entidade e derivados da asistencia aos mesmos que o precisen e demanden;



XUNTA DE GALICIA

- d) Gastos en bens consumibles sempre que estean relacionados coa actividade obxecto da subvención ou co mantemento de FEAFES e das entidades federadas; estes deberán ser moderados.
- e) Gastos xerais de natureza corrente necesarios para o desenvolvemento do obxecto do convenio: enerxía eléctrica, auga, combustible (se non está incluído no aluguer), comunicacións, seguros de responsabilidade civil, etc.
- f) O aluguer dos locais nos que se desenvolva a actividade obxecto deste convenio debidamente xustificado, agás aqueles nos que exista unha relación contractual.
- g) Os financeiros, incluídos os gastos e xuros derivados de créditos bancarios formalizados coa finalidade de dispoñer de efectivo para a realización do obxecto da subvención concedida mentres non sexa aboada pola Administración, de asesoría xurídica ou financeira, gastos notariais e rexistrais e os gastos periciais para a realización do proxecto subvencionado, así como os de administración específicos, se están directamente relacionados coa actividade subvencionada e son indispensables para a adecuada preparación ou execución desta.



Non se subvencionarán gastos correntes nin de persoal correspondentes a centros asociados a FEAFES que teñan relación contractual cunha administración pública, no ámbito das súas competencias estatutarias.

FEAFES deberá presentar unha certificación coa relación daquelas entidades e/ou centros que teñan suscrito un contrato coa administración pública indicando o obxecto do mesmo e a data de suscripción.

2.- En tódolos custos indirectos establecerase e xustificarse a fracción do custo total que se considere imputable á actividade subvencionada segundo a aplicación dun método xusto e equitativo que debe constar por escrito e previamente a realización dos gastos.



XUNTA DE GALICIA

SÉTIMA.- Compatibilidade con outras subvencións.

A subvención prevista neste convenio é compatible con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou de organismos internacionais.

O importe da subvención en ningún caso poderá ser de tal contía que, illadamente ou en concorrencia con subvencións ou axudas doutras administracións públicas ou doutros entes públicos ou privados, nacionais ou internacionais, supere o custo total da actividade que vai desenvolver o beneficiario.

OITAVA: Forma de pagamento



Respecto ao pagamento e forma de xustificación da subvención estarase ao disposto na Lei 38/2003, do 17 de novembro, e no Real Decreto 887/2006, do 21 de xullo, Lei 9/2007, do 13 de xuño, e Decreto 11/2009, do 8 de xaneiro.

2.- Son gastos subvencionables os que cumpren os requisitos fixados polo artigo 29 da Lei 9/2007, do 13 de xuño. A estes efectos, considérase gasto realizado o que foi efectivamente pagado con anterioridade á finalización do período de xustificación previsto na cláusula sétima.

3.- Así mesmo, considerarase efectivamente pagado o gasto cando se xustifique o pagamento mediante extractos ou certificacións bancarias debidamente identificados, selados, e asinados polo beneficiario. No suposto de que o xustificante do pagamento inclúa varias facturas, deberase xuntar unha relación delas. No suposto de facturas pagadas conxuntamente con outras non referidas ao proxecto subvencionado, a xustificación do pagamento débese realizar sempre mediante a achega do correspondente extracto bancario que irá acompañado dun dos seguintes documentos: relación emitida polo banco dos pagamentos realizados, orde de pagamentos da entidade selada polo banco ou recibín do provedor.



XUNTA DE GALICIA

4.- Para gastos de escasa contía por importes inferiores a 1.000,00 euros poderase aceptar a xustificación do pagamento mediante recibín do proveedor.

5.-O libramento farase nunha conta corrente da que sexa titular a Entidade beneficiaria, nas seguintes condicións:

a) Efectuarase un pagamento do 10% da totalidade da subvención, con carácter de anticipo a conta da liquidación, unha vez asinado o presente convenio.

b) Ata o 80% do total da subvención concedida (incluíndo nesta porcentaxe a contía pagada con carácter de anticipo) poderán acordarse ata cinco pagamentos parciais, a medida que o beneficiario xustifique ter realizado un gasto equivalente, mediante certificación do responsable da entidade xunto coa documentación recollida na no apartado b) da cláusula sétima.

Para a tramitación das condicións de pagamento previstas nos apartados anteriores, a entidade beneficiaria da subvención queda exonerada da constitución de garantía ao entrar no suposto previsto no artigo 65.4.f) do Decreto 11/2009, do 8 de xaneiro.

c) O 20% restante farase efectivo unha vez rematadas tódalas actividades do convenio e aportando a documentación indicada na cláusula sétima.

NOVENA: Documentación xustificativa

A presentación da **conta xustificativa** levarase a cabo unha vez rematadas todas as actividades do convenio, aportando a seguinte documentación, conforme ao previsto no artigo 48 do Decreto 11/2009, do 8 de xaneiro:

a) Unha **memoria final das actuacións desenvolvidas** en execución deste convenio, con indicación das actividades realizadas, datas de inicio e finalización das



XUNTA DE GALICIA

mesmas, resultados obtidos e valoración cualitativa dos mesmos, nº de beneficiarios en cada actividade, e demais aspectos que se consideren relevantes.

b) Unha **memoria económica xustificativa do custo das actividades realizadas**, que conterá:

- Unha relación clasificada e debidamente agrupada dos gastos, con identificación do acredor e do documento, o seu importe, data de emisión e data de pagamento. No caso dos gastos realizados con medios ou recursos propios, indicaranse os criterios de repartición dos custos xerais e/ou indirectos incorporados na relación.
- As facturas ou documentos de valor probatorio equivalente no tráfico xurídico mercantil ou con eficacia administrativa incorporados na relación a que se fai referencia no parágrafo anterior e a documentación acreditativa do pagamento.
- Os documentos acreditativos dos gastos realizados con medios ou recursos propios e a indicación, se é o caso, dos criterios de repartición dos custos xerais e/ou indirectos incorporados na relación a que se fai referencia na relación á que se fai referencia no 1º parágrafo.
- Unha relación na que se identificará os apelidos e nome das persoas respecto das que se imputan ao presente convenio gastos de desprazamento derivados de acudir aos servizos que presta a entidade, e na que constarán os días en que se fixeron os desprazamentos obxecto da xustificación.
- Especificación das desviacións producidas sobre as cantidades inicialmente orzamentadas.
- Unha relación detallada doutros ingresos ou subvencións que financiasen a actividade subvencionada obxecto deste convenio, con indicación do importe e a súa procedencia, xa sexa de entes públicos ou privados.
- Os 3 orzamentos que deba ter solicitado o beneficiario, en aplicación do artigo 29.3 da Lei 9/2007, do 13 de xuño, no suposto de gastos de importe superior a 18.000 € pola prestación de servizos de consultoría ou asistencia técnica,.
- Se for o caso, a carta de pagamento de reintegro no suposto de remanentes non aplicados así como dos xuros derivados destes.





XUNTA DE GALICIA

c) Declaración complementaria e actualizada comprensiva de todas as axudas e subvencións concedidas para o mesmo proxecto, indicando que non hai ningunha pendente de resolución, ou de ser o caso, unha declaración de que non solicitaron nin percibiron outras axudas ou subvencións.

Asemade, xunto coa conta xustificativa deberase de achegar novamente unha declaración responsable do cumprimento das súas obrigas tributarias e coa Seguridade Social e de non ter pendente de pagamento algunha débeda coa Administración Pública da Comunidade Autónoma de Galicia ou de ser debedor por resolución de procedemento de reintegro, segundo o disposto no artigo 11 do Decreto 11/2009, do 8 de xaneiro.

En todo caso o prazo para a presentación da conta xustificativa da subvención deste convenio rematará o día 10 de decembro de 2017. Excepcionase desta previsión a presentación da documentación xustificativa do pagamento das nóminas, TC's da Seguridade Social e IRPF correspondentes ao cuarto trimestre, que poderá presentarse ata o día 31 de xaneiro de 2018.



Toda a documentación xustificativa deste convenio deberá ser asinada pola persoa con capacidade de FEAFES.

DÉCIMA: Subcontratación

FEAFES é a beneficiaria directa da subvención obxecto deste convenio, asumindo a total responsabilidade da execución da actividade subvencionada fronte á administración. Non obstante, autorízase a subcontratación da execución total ou parcial de actividades, ata unha porcentaxe do 70 por cento do importe total das actuacións financiadas a través deste convenio, con empresas dedicadas especificamente á promoción e inserción laboral de persoas con discapacidade ou en situación de exclusión social, sempre que estas empresas estean participadas maioritariamente polas entidades de iniciativa social definidas no artigo 30 da Lei 13/2008, do 3 de decembro, de servizos sociais de Galicia, así como coas entidades



XUNTA DE GALICIA

federadas, xustificando que dita subcontratación se realiza consonte as condicións normais de mercado.

FEAFES comunicará, no seu caso, a subcontratación á Dirección Xeral de Maiores e Persoas con Discapacidade.

A estes efectos será de aplicación o establecido nos artigos 29 da Lei 38/2003, do 17 de novembro, e 27 da Lei 9/2007, do 13 de xuño.

DÉCIMO PRIMEIRA: Vixencia e efectos

O presente convenio estenderá os seus efectos dende a súa formalización e terá vixencia ata o 31 de decembro de 2017.

Non obstante, as accións englobadas no presente convenio que realízase FEAFES dende o 1 de xaneiro de 2017 tamén poderán ser subvencionadas ao seu abeiro coa achega da Consellería de Política Social.



DÉCIMO SEGUNDA: Publicidade e inscrición en rexistros.

De conformidade co previsto na disposición adicional primeira do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, a entidade beneficiaria da axuda autoriza expresamente a inclusión e publicidade dos datos da entidade nos rexistros públicos de axudas para o seu tratamento necesario.

De conformidade coa Lei 38/2003, do 17 de novembro, o instrumento de colaboración e a información sobre a subvención serán comunicados á Base de datos nacional de subvencións (BDNS).

Este convenio será obxecto de inscrición en cumprimento do establecido no artigo 15 da Lei 1/2016, de 18 de xaneiro, e no Decreto 126/2006, do 20 de xullo, polo que se regula o Rexistro de Convenios da Xunta de Galicia.



XUNTA DE GALICIA

DÉCIMO TERCEIRA.- Tratamento dos datos persoais

As partes asinantes deste convenio garantirán a confidencialidade dos datos persoais aos que teñan acceso como consecuencia das actuacións realizadas en execución deste e de conformidade co disposto na Lei orgánica 15/1999, do 13 de decembro, de protección de datos de carácter persoal e a normativa de desenvolvemento. Os datos persoais recollidos na tramitación deste convenio, cuxo tratamento e publicación autorice á persoa beneficiaria, serán incluídos nun ficheiro denominado «Relacións administrativas coa cidadanía e entidades» creado pola Orde do 15 de decembro de 2011, pola que se regulan os ficheiros de datos de carácter persoal existentes nesta consellería. O órgano responsable deste ficheiro é a Secretaría Xeral Técnica da Consellería de Política Social. Os dereitos de acceso, rectificación, cancelación e oposición poderanse exercer ante a Secretaría Xeral Técnica da Consellería de Política Social, mediante o envío dunha comunicación ao seguinte enderezo: Edificio Administrativo San Caetano, s/n, 15781 Santiago de Compostela ou a través dun correo electrónico a sxt.politica.social@xunta.gal.



DÉCIMO CUARTA: Autorización o consentimento para que se publiquen os datos persoais e demais especificacións que figuran no convenio

As partes asinantes autorizan/consinten na publicidade dos seus datos persoais e demais especificacións recollidas no presente instrumento de colaboración no Portal da Transparencia e Goberno Aberto.

Segundo o artigo 17 da Lei 1/2016, de 18 de xaneiro, ademais da información que debe facerse pública segundo a normativa básica en materia de transparencia, a Administración autonómica publicará o texto integro do convenio.

DÉCIMO QUINTA: Comisión de seguimento

Constitúese unha comisión mixta de seguimento composta por dous representantes designados pola entidade beneficiaria e dous representantes da Consellería de



XUNTA DE GALICIA

Política Social, para levar a cabo o seguimento e avaliación das accións previstas no presente convenio.

Esta comisión, a presidencia da cal a ostentará un dos representantes da administración, reunirase cando así o solicite algunha das partes.

O funcionamento desta comisión rexerase pola Lei 40/2015, de 1 de outubro, de Réxime Xurídico do Sector Público, e a Lei 16/2010, de 17 de decembro, de organización e funcionamento da Administración xeral e do sector público autonómico de Galicia.

DÉCIMO SEXTA.- Modificación, denuncia, causas de resolución e efectos do incumprimento.

As partes poderán denunciar ou modificar o presente convenio en calquera momento por acordo mutuo.

Será causa de resolución o incumprimento das obrigas previstas neste convenio por calquera das partes, cos efectos legais que comporte en aplicación do artigo 52 da Lei 40/2015, de 1 de outubro, en función da que incumpriña e do momento en que se produza o incumprimento. Igualmente, será causa de resolución a denuncia por calquera das partes efectuada con dous meses de antelación á efectividade da mesma.

O incumprimento do obxecto do convenio recollido na súa cláusula primeira, ou a falta de presentación da xustificación no prazo establecido comportará o reintegro da subvención, ou da parte proporcional non xustificada, e demais responsabilidades establecidas na Lei 9/2007, do 13 de xuño.

DÉCIMO CUARTA: Réxime xurídico

O presente convenio terá carácter administrativo rexéndose nos seus efectos polo establecido nas súas cláusulas, aplicándosele os principios do Real decreto lexislativo 3/2011, do 14 de novembro, polo que se aproba o texto refundido da Lei de contratos do sector público para resolver as dúbidas ou lagoas que puidesen presentarse; segundo o disposto no artigo 4.2 da dita lei; no disposto na Lei 38/2003, do 17 de novembro, no Real Decreto 887/2006, do 21 de xullo, na Lei 9/2007, do 13





XUNTA DE GALICIA

de xuño e Decreto 11/2009, do 8 de xaneiro, e no Capítulo VI do Título preliminar da Lei 40/2015, de 1 de outubro.

As cuestións litixiosas xurdidas acerca da interpretación, modificación e resolución, serán resoltas pola Consellería de Política Social poñendo os seus acordos fin á vía administrativa, cabendo contra elas recurso potestativo de reposición, que se interporá ante o mesmo órgano que ditou a resolución, no prazo dun mes se a resolución fose expresa, ou en calquera momento a partires do día seguinte a aquel en que, de acordo coa normativa específica, se produza o acto presunto, segundo o previsto no artigo 124 da Lei 39/2015, de 1 de outubro; ou poderá interpoñerse directamente recurso contencioso-administrativo, no prazo de dous meses contados desde o día seguinte ao da publicación do acto que poña fin á vía administrativa, se fose expreso. Se non o fora, o prazo será de seis meses e contarase, para o solicitante e outros posibles interesados, a partir do día seguinte a aquel en que, de acordo coa súa normativa específica, se produza o acto presunto, de conformidade co disposto na Lei 29/1998, do 13 de xullo, reguladora da xurisdición contencioso - administrativa.

Para tales efectos o tribunal competente será o Tribunal Superior de Xustiza de Galicia.

E en sinal de conformidade coas estipulacións do presente convenio, o asinan ambos os dous comparecentes en triplicado exemplar no lugar e data expresado.

**O CONSELLEIRO DE POLÍTICA
SOCIAL**



José Manuel Rey Varela

**O PRESIDENTE DA FEDERACIÓN DE
ASOCIACIÓNS E FAMILIARES DE
PERSOAS CON ENFERMIDADE
MENTAL DE GALICIA**

Xosé Ramón Girón García



ANEXO

1.-ATENCIÓN DE PROXIMIDADE NO AMBITO RURAL

● Obxectivos

- ⇒ **O. Xeral:** Aumentar o coñecemento sobre a enfermidade mental e como impacta nas súas poboacións, nas comarcas e lugares obxecto do proxecto e na comunidade autónoma en xeral.
- ⇒ **O. Específicos:** Ofrecer un servizo de proximidade ás persoas con enfermidade mental, ás súas familias ou achegados nas comarcas e lugares obxecto do proxecto e puntualmente nas delegacións da Federación en Santiago de Compostela, Vigo e Lugo.



Nº beneficiarios previstos: 150

Ámbito xeográfico: Comarca de Ordes, Sar e zonas rurais da Comarca de Santiago, Comarca de Condado- Paradanta e zonas rurais da provincia de Lugo e de xeito puntual nas delegacións da Federación en Santiago, Vigo e Lugo.

- #### ● Tipo de intervención /Actividades:
- Entrevistas e intervencións con aquelas familias, achegados ou persoas con enfermidade que o demanden ou sexan derivadas por profesionais do ámbito social ou sanitario (preferentemente, aínda que non exclusivamente dende estes ámbitos) das diferentes zonas de intervención. Grupos de atención e traballo de mediación e monitoreo permanente. Ademais están previstas actividades de información social e comunitaria con entidades, Concellos e outros recursos sociosanitarios destas zonas.

● R. Humanos

- ⇒ Profesionais contratados polas asociacións (psicólogos, traballadores sociais e educadores sociais).
- ⇒ Persoal administrativo.

- #### ● Calendarización:
- 1 de xaneiro a 31 de decembro de 2017

2.- APOIO PSICOSOCIAL NO ESPAZO DE CONVIVENCIA (FAMILIAR E SOCIOCOMUNITARIO)

● Obxectivos

- ⇒ **O. Xeral:** Promover as accións de apoio psicosocial nos espazos de convivencia.
- ⇒ **O. Específicos:** Apoiar ás persoas con enfermidade mental, ás súas familias e achegados, que por razóns derivadas das características do seu lugar de residencia e o



XUNTA DE GALICIA

seu entorno socio-comunitario, non poidan acceder aos servizos de atención dunha forma normalizada, regular e permanente.

- **Nº beneficiarios previstos: 40**
- **Ámbito xeográfico:** Comarca de Ordes, Sar e zonas rurais da Comarca de Santiago, Comarca de Condado- Paradanta e zonas rurais da provincia de Lugo e de xeito puntual nas delegacións da Federación en Santiago, Vigo e Lugo.
- **Tipo de intervención/ actividades:** Promoción e achegamento das intervencións aos domicilios no medio rural galego a través de actividades ocupacionais, accións domiciliarias de soporte e seguimento, traballo coas familias e achegados, apoio sócio-educativo e psicosocial. Integración e accións comunitarias
- **R. humanos:**
 - ⇒ Profesionais contratados polas asociacións (psicólogos, traballadores sociais e educadores sociais).
 - ⇒ Persoal administrativo
- **Calendarización:** 1 de xaneiro a 31 de decembro de 2017



UNIDADES DE ACOMPAÑAMENTO COMUNITARIO

Obxectivos

- ⇒ **O.Xeral:** Evitar o illamento social e persoal das persoas con enfermidade mental no medio rural galego.
- ⇒ **O.Específico :** Atender ás persoas con enfermidade mental ,as súas familias e achegados, que por razóns derivadas das características do seu lugar de residencia, non poden acceder aos servizos de apoio socioeducativos e comunitarios dunha forma normalizada e regular.

- **Nº beneficiarios previstos: 20**
- **Ámbito xeográfico:** Comarca de Ordes, Sar e zonas rurais da Comarca de Santiago, Comarca de Condado- Paradanta e zonas rurais da provincia de Lugo e de xeito puntual nas delegacións da Federación en Santiago, Vigo e Lugo.
- **Tipo de intervención/ Actividades:** Acompañamentos da vida diaria, acompañamentos a familias, mediacións entre familiar e usuario para a resolución de conflitos, acompañar para coñecer e usar os recursos da súa comunidade mais próxima.



XUNTA DE GALICIA

● R. humanos:

- ⇒ Profesionais contratados polas asociacións (psicólogos, traballadores sociais e educadores sociais).
- ⇒ Persoal administrativo

● Calendarización: 1 de xaneiro a 31 de decembro de 2017

4.- APOIO SOCIEDUCATIVO, COORDINACIÓN TÉCNICA DO PROGRAMA, SEGUIMIENTO, DESPLAZAMENTOS A LA ZONAS E DOCUMENTACIÓN DAS BOAS PRÁCTICAS E ADECUACIÓN DO ENFOQUE DE PRÓXIMIDADE NO ÁMBITO RURAL

● Obxectivos

- ⇒ **O.Xeral:** Mellorar da cohesión e presenza do movemento asociativo en zonas de sombra e cunha cobertura de servizos precaria ou inexistente no ámbito rural galego
- ⇒ **O.Específicos:** Mellorar o soporte técnico e institucional das intervencións así como documentar as boas prácticas que se poidan levar a cabo no territorio



Nº de persoas beneficiarias estimadas: 450 familias e persoas con enfermidade mental.

- **Ámbito xeográfico:** 450 familias e persoas con enfermidade mental das Comarca de Ordes, Sar e zonas rurais da Comarca de Santiago, Comarca de Condado- Paradanta e zonas rurais da provincia de Lugo e de xeito puntual nas delegacións da Federación en Santiago, Vigo e Lugo.

- **Tipo de intervención/ Actividades:** Xuntanzas internas e externas entre os membros do movemento asociativo para a coordinación e seguimento, audiencias con responsables das distintas administracións e entidades sociais, culturais, deportivas ou educativas que poidan ter relacións co programa nas zonas de intervención. Apoio técnico na implementación de accións sócio-educativas, documentación das boas prácticas con relación a este programa co obxectivo da súa divulgación e ampliación a outros territorios de Galicia.

● Recursos Humanos

- ⇒ Licenciado en Pedagogía.
- ⇒ Coordinador do programa.
- ⇒ Persoal administrativo
- ⇒ Técnica de Comunicación.

Calendarización de actividades: 1 de xaneiro a 31 de decembro de 2017